

L'ESSOR

faso kumakan

zenerali musa tarawele ye taama nafamaba kè kodiwari, faransi ani kapiwèri jamanaw kònò

K'a ta juma don na, ókutóburu kalo tile 15 san 1982, ka t'a bila sibiri don na, ókutóburu kalo 23, Zenerali Musa Tarawele ye taama nafa maba kè Afiriki ni Faransi jamanaw kònò.

"UDPM" nyèmógóba ani Mali jamana kuntigi Zenerali Musa Tarawele ni Felikisi Hufuyèti Buwanyi ye nyógón kumanyógónya, n'o ye Kodiwari jamana kuntigi ye.

U kumana fèn caman kan. Afiriki ka kelenya sabatili ani kodiwari ni Mali nyógón cè sira taama kèra nyógónye in kuma nafamabaw ye.

Zenerali Musa Tarawele nalen ka bó taa ma in na, a y'a jira ko kuma ninnu kèra bèn, teriya ani nyógónfaamu kònò.

A k'u kumana Afiriki tónba, "OUA" ka gèlèya kan, ani gèlèya in bè se ka ban cogo min na, ka kelenya ni bèn sabati.

A ko min ye kodiwari ni Mali cè kow ye, dó ka kan ka fara olu sabatili cogo nyuman kan sanga ni waati bèe la.

Kodiwari taama ni kuncèlen, Zenerali Musa Tarawele taara Faransi. A jóra sira fè Alizeri awiyon jigin kènè kan. A ni Ali-

Tile fila ninnu kònò, Zenerali Musa Tarawele ni peresidan Faransuwa Miteran ye baara kunkurunnin kè


gónye. Gi Pènni ye peresidan Faransuwa Miteran baarakènyógón ye min nyèsinnen bè farafin jamanaw ka konyèw nyènabóli ma.

rikow nyènabóli ma. Faransi mógóba caman wèrèw ye peresidan Musa Tarawele bi simila, i n'a fò Zan Piyèri koti ani kulodi Shèsón.

Taama in sen fè kuma nafamaba caman tèmèna Faransi jamana nyèmógów ni Zenerali Musa Tarawele cè.

U kumana fèerèw kan minnu bèna kè sababu ye ka belebele fara Faransi ka demè kan sènekow siratigè la. O hukumu kònò Faransi cidèn dów bèna taama kè Mali kònò k'a lajè ofisi bè se ka yiriwa cogo min na.

Zenerali Musa Tarawele y'i to Pari ka taa paraya n'o ye Kapiwèri duguba ye. Bi sibiri in na, a ni Arisilidi perera bè nyógón kumanyógónya. Arisilidi Perera ye Kapiwèri jamana kuntigi ye; an bè bi min na "CILSS" nyógónyèba kuntigi don. "CILSS" ye jèkulu sigilen ye saheli jamanaw fè ka nyèsin ja kèlèli ma.




zeri peresidan, shadili Bèn Jedidi ye nyógónye "OUA" ka gèlèya kan. A ye tile fila kè faransi duguba kònò n'o ye pari ye.

Elize la Pari, n'o ye mógóbaw bisimila yòró ye.

O tèmènen kò, Zenerali Musa Tarawele ni Gi Pènni ye nyò-

A ni Zeki Delóri fana ye nyógón kumanyógónya. O ye Faransi Minisiri ye n'a nyèsinnen don jamana sòródaw n'a wa-



An ka jamana kuntigi ni pariti nyèmógó Zenerali Musa Tarawele ni faransi jamana nyèmógóba caman ye nyógón kumanyógónya, k'a daminè jamana kuntigi Faransuwa Miteran na, an nyè bè min na ka Musa Tarawele fo numan fè ja kan, ka t'a bila Kilodi Shèsón ni Zan Piyèri Kòti ni Zeki Delóri la.

Musa Tarawele ni Faransi nyèmógów ka nyógónye kèra sababu ye ka ni kura don an ka jamana fila ka jèkabaara la. U da sera fana Afiriki kunko gèlènw ma ani yèlèma nafama donni Faransi ka demè la Mali kònò.

minisiri nfanyanama ka kuma dunkata don hukumu kónò

Donba min labilara dinyè kónò baloko fèsèfèsèli kama, n'ò bènna sibiri ma, òkù-tòburu kalo tile 16, san 1982, o don, an ka sènekow minisiri Nfanyanama Kónò ye jèmukan nafama da ja manadenw tulo kan.

A y'a jira ko balo tila cogo ye jórènan koba ye bi dinyè kónò k'a masóré hadama den fanba bè kóngó ni nyani sugu bæe la, kasóré mógó dama-dó dórón bè dunkafa ni bènndiya la olu kèrè fè. Nin bæe de b'a jira ko sumanko sirilen don sóré damakènyèbaliya la. Ni ji gèlèyaw ni dugukolo taw farala o kan, an bè se k'a faamuya mun na jamana dów tè se k'u yèrè labó baloko la. O jamana caman ye jama na kuraw ye cogoya bèrè tè minnu bolo.

Nfanyanama y'a fó ko tónsigi dógóman kèra dinyè kónò o siratigè la, minnu sen fè a jirala ko cikè ni baloko ka kan ka lawèrè damakènyè kónò jamanaw ni nyógón cè, ani jamanaw yèrèw kónò, bawo balo min bè dinyè kónò, o bè se ka dinyè bæe labó.


N'an ye hadamadenya dóonin dórón don an ka kèwalew la, an bè se ka caman fara denmisènw, musow ni mógékóróba caman ka dumuni kan, minnu bè ka sa kóngó fè don o don.

N'an ye caman bó an ka tógonyiniya mu sakaw la an bè se ka kóngó ni balokojuguya kèlè dinyè kónò.

Nfanyanama Kónò y'a jira tugun ko ka dumunikè ka se i fa nugu la, o ye hadamaden bæe jo sariya fólo ye. Kóngótó ni balokojuguw siginyógónw ye banaw ye. Bóre lankolon tè jó cogo min, mógó tè se ka hère ko kuma fó kóngótó ye.

Kankóróta ni daamu jumèn bè hadamaden ye kabakolo dóoni la ni kóngó ni nyani ni sègèn b'a kèrèfè dugukolo kan ?

Dolari wafi miliya ri 10 bè se ka kóngó silatunun dinyè kónò. Kóngó kèlèli ka



kan ka kè hadamadenw bolo, i ko diinè kèlè, jamana hórónyalen kuraw man kan k' u yèrè tó to min na, bawo kóngótów ka ca olu de kónò kosèbè. Mali bè k'a seko damajira bæe kè a yèrèlabó sira kan balo ko la, barisa balo jóyóré tè dóonin ye sóré yiriwali la.

An ka sènekow minisiri y'an ladónniya ko mali ye fèerè caman dabali yèrèlabó siratigè la sumanko la.

O fèerè dów ye :

-Cikèlaw sendonni ye u yèrèw ka sóré lawè rèli walew la.

-Suman feere labilali ani yèlèmw donni "OPAMU" ciyakèda la.

-Cikèlaw ka juruko nyènbóli.

-Yèlèma nafama donni sannifeere la.

-Cikè ni baganfura kè ni kungo kónò nafaw yiriwali.

A ko yanni jamana wèrèw ka dèmè ka se an ma, an ka kan k'an yèrè dèmè fólo bawo an ka yèrèlabó baloko la, a sinsibere y'an yèrèw ka cèsiri ye.

A tè bèn -fó an ka bugudalamógów ka tónw ka se k'u yèrèw kunko caman doni ta, cikèlaw ka se k'u ka

konyèw dógóman nyènbé u yèrèw ye.

- dó ka bó tungafè-taa la.

- Suman sènetaw ka caya walasa dumuni ka falen-falen ka mó gów nafa.

- sogomafènw ka se ka mógów nafa.

- dugukolo ka lakana tinyèli ma.

- sumanlatinyè ka da bila dugubaw kónò.

- koperatiwu ka labèn.

- suman duntaw ka da fa ni jiridenw ni le gumuw n'u nyógónnw ye.

O siratigè la, a ko a bè gofèrènama wale nyumandón maanyó ni nyebe sènéli yiriwali la jamana kónò. Dó farala fana baganlamara ni jègémón ni shèfan jóyóré kan ja manadenw ka dumuniko la.

Nfanyanama Kónò y'a jira k'an ka jamana jigi bè farafinna jèkuluw kan sumanko nyènbóli walew la. O de kama Mali bè Afiriki jèkulu kèrènkèrènnen bæe kó baara nafamaw la i n'a fó:

- jidonni an nyèna dafè.

- sènekè dugukolo ni baganw dumunikèyórow labènni.

- sènéfènw ni sumanw lakanali.

Nka o n'a ta bæe an ka sènéko minisiri ko an ka yèrèlabó kóré tè k'an mago tè jamana tów ka dèmè na, bawo olu bè se k'an dèmè wariko la, ani baarakèla faamuyalenw labènni la ani balo laseli an ma gèlèyabaw waati.

O siratigè la pariti ni gofèrènama tégó la, a k'a ka foli ni walenyumandón bè ka taa dinyè jèkuluw ma ani an teri jamanaw ma, minnu bè k'an dèmè an ka yèrèlabó fèerè dabalilenw waleyali la. A ma nyinè dinyè jèkulu kó min ka baara nyèsinnen don baloko ma, n'ò ye "FAO" ye.

Nfanyanama kè a ka jèmukan laban na, k'a hakili la bæe n'i jó yóré fa nin baara gèlèn in na.

damatèmè wale: libandenw ni palèsinidenw nyanina

Suwèn kalo tile 6, san 1982, banisiralakaw donna liban jamana kónò, palèsinidenw nyangili kama.

U ma libandenw to o sen fè, kuma tè palèsinidenw ma. U ye fagali sugu bæe da u kan. Dów sara, dów jo ginna, dów kèra mógótów ye. Binkanni in kèra mógó baa caman sababu ye, musow ni denmisènw ni cèkóróbaw bè minnu cèman. Banisiralakaw y'a jira k'u t'a fè libandenw ni palèsinidenw ka rinyè minè k'a bila i ko hadamaden tów.

Nka u ka kèwale ju gu ninnu si ma kè u jányógón juguw kó, n'ò ye ènperiyalisiw ye, minnu bè mugu ni kisè d'u ma, k'u jó u kókóró u ka subahana baaraw la.

Nka u ka kèwale jugu ninnu si tè n'a to libandenw ni palèsinidenw k'u nyóngiri u ye.

U ka baara juguw ni hadamadenya tè

nyógón ta habada. A ni itilèri fanga dórón de bè se ka sanga

Mali baarakèlaw ka jèkuluba y'a kannabó tóndenw bæe tógó la, k'a jira k'u tè jè ni banisiralakaw mógófagalaw ye liban dugukolo kan.

U ka dèmè bè ka taa liban ni palèsinidenw kisèw ma u jó kèlè la.

U b'a nyini banisiralakaw fè a ka dānsigi a ka binkanni la liban. A k'a ka kèlèdenw labó yen dugukolo kan.

An ka baarakèlaw ka tónba "UNTM" ko a bè sèbèkè jèkulu bæe kó, u k'u fanga kè kelen ye walasa nin kojuguw nyógónna kana se fila.

U b'a nyini fana palèsinidenw ka sariyaw ka labato, u ka se k'u danma jamana hórónyalen sigi hère la.

